



Pâalast da räädash

Pâall da rämm. Arvvlööddam, što ták kue'htt táabd liâ mi'jjid pukin toobdâs. Vuäitt lee'd, što tók liâ jiöčč ää'sšest määng tän ääi'j oummu vuâdtdâabd? Tók jiâ cöogg kuei'meez meädda. Ooumaž, kââ'tt kiččlâstt koon-ne ää'sšest räämm da rääđ, vuäitt mä'rddnalla seämmaäi'j tobddâd pâal koin-ne jee'res ää'sšin.

Ääi'jpoddsaz maai'lm aa'sšid ju'rddmen, mänggsa tábdd vââjj lee'd pâalast jeällmōš. Pâall vuäitt njaakkâd miō'lle, gu ju'rdddep vâäinaid Ukrainast, Israee'lest da Palestiinâst le'be äimm-muttâz de vuâsttlöözzi piijâm lâsnummuš määngain öhttsazkââ'ddin. Mōön šuurab aa'sšin lij kōöččmōš, tōn vä'žilubun tók vâjja tábddjed.

Puō'tti ee'jjpei'v evanğe'liumtee'kstest lij še pâall da räämm; le'be räämm ra'vves ölmnmemââ'blek l. räädd. Te'kstt poott saa'nid;

Neezzan vue'lğğe ääu'd â'rnn seämmaäi'j pâalast da räädash da kirrlō'tte viikkâd sää'nn Isōōzz mätt'töspärnaid. (Matt. 28:8)

Neezzan le'jje Magdalan Mä'rjj da "töt nu'bb Mä'rjj". Isōōzz ööldâs seu'rjjei kuhttu. Te'kstt kovvad, mäi'd neezzan to'bdde gu kau'nne ee'jjpei'vvtue'lää Isōōzz ääu'd riō'vvjum.

Ääu'd â'rnn vuâlggam kue'htt Mä'rj le'jje evanğe'lium mie'ldd seämma ääi'j pâalast da räädash. Siömmna ääi'j Kee'jjest sij vuäžža veâl jiiij vuei'nned Pââjaskaggööttâm Isōōzz. Kuuitâg töt toobdi kuei'tsâjja juâkkööttmōš, pâalast da räädash âärmōš, säärntâäll muu.

Pâall kovvad suâna hää'mtöövvmöözž. Rämm e'pet tōn, što sij činğlest sii'skest fi'ttje, što ij jää'mm'mest ni leämmaš mäâimōs sää'nn Isōōzz päâi'kest. Son vō'll'ji jää'mm'mest. Kriistlaž äâsk kōskksaz saakk lij veâl tä'bbe tät: Isōs jeä'!

Tuäivam da maa'ltâsttam, što tän pââjaskaggööttâm rämm pâššne'čči še mi'jjid, keäk â'ne ee'jjpei'vvräâ'zneč kidđtâlvva 2024. Rämm jie'llma vuäitt käunn'jed tō'st, što keäčč paaldâst äârrai siömm spä'ssböōššâmaa'sšid. Mōöžt miō'lle kaggâätt kii-ne ooumaž, keä'st vuäitak lee'd spä'ssballaš. Vââjak še vuäžžad raamm jiijjad jie'llma, gu vie'kkktak nuu'bb oummu hâ't mâka pâi uu'cces takai argghâammast. Rämm šâdd tōn jue'jjeel.

Tuäivam Tu'ne lääskvōs da rämmai puō'tti ee'jjpei'vven. Tuäivam, što maai'lm kriis jiâ viigg mee'st räämm tō'st, što jie'lli Ka'jjeja, Isōs lij lâppâäm lee'd mijvui'm juō'kk peei'v. Vuâspâ'd blouslââggas jōnn präâ'znkem.

Ee'jjpei'v vue'lnn 2024

Jukka Kesitalo
Oulu aa'rhelkââ'dd aa'rhel